

沅  
湘  
耆  
舊  
集

沅湘耆舊集卷第一百七十八

新化鄧顯鶴湘臯編輯

湘陰左宗植仲基校訂

劉秀才振翥

四十首

振翥字西岡新化人諸生有閑廬詩鈔西岡好飲  
每飲必盡醉醉則淋漓罵坐人不能堪獨與余兄  
弟善余每規之則云余非醉欲仗酒國之力一舒  
憤懣耳儻亦有託而逃者與然卒以酒死死之日  
以詩稿屬其友楊源漢同江同江分爲四卷轉以  
授余其詩寢饋眉山饒有風韻爲采錄若干首編  
全集之末而以先仲兄詩殿焉

夏夜雜記所見

日落山未黑疏星已三五娟娟新月黃隨簾入庭戶我時  
正行飯披襟消溽暑新浴體自便意行無所與初從圃徑  
出側耳饑蚊聚步到小池頭飛螢如列炬水亭闕無人倚  
檻一延佇野荷顛倒開新莖芭半吐涸鱗弄微波涼颼起  
平渚坐聽幽篴露如灑空階雨羣動漸消歇適與清景侶  
歸來索莢飲獨坐默不語可憐趨炎場面熱形神苦我非  
羲皇人竟成風月主少作支頤眠殘月猶半弩木杪光纖  
微譙樓纔四鼓

茱萸灘阻水舍舟登岸行二十里宿龍溪口見牛死  
於虎次早舟師云同人有覆舟清谿灘由陸路歸者

余復登舟北下

山高欲障天俯視若洞戶一江瀉衆流況值半月雨但聽  
灘水號不復見銅柱亂石排雲端奔濤相震怒巨靈初臨  
時天公役鬼斧劈作石門峽放流通水府歸心逐飛鷁忽  
作一日阻攀藤走犖礪緣流步江澣快舟衝波來如脫千  
鈞弩迴看舟中人相覩色如土前灘船已破遙望神先沮  
古人尙忠信風波誰敢侮我不如古人卻憚征途苦不畏  
水中蛟娜避岸上虎

九日同禹門弟登望雲山天門寺

前崖偃僂後崖揖羣山環拱寺中立晴空遙見古黔中七  
十二峯相對岌當年祖龍走中原驅山寨海求神僊三十

六年宮女怨四千萬衆沙蟲寃其時盧侯老仙子不學長  
生學不死同上雲山覓仙籍驅使風雷役山鬼邇來丹火  
無凡鉛石牀露冷甯青煙餐霞餌玉不可得劫數已過三  
千年我今謁禱當重九銀餅快瀉黃花酒秋飈轉林震崖  
谷酒酣躡屐緣山走阿弟尋幽亦頗奇歸寺已是黃昏時  
山僧持燈笑指壁乃翁昔有遊山詩雨溼雲羃字已蠹瓶  
傾瓦墮牆半欹點畫錯落尙可辨句律剗滅猶堪疑疑眸  
諦觀始記憶自悼至此來何遲繫我十齡粗識字強記一  
二餘不知今來見此拜且讀傑句夫亦神扶持禪房依舊  
符鼓靜如流歲序空奔馳上人歸寂塔已朽惟見山月窺  
清池僧寮借枕且暫住窗隙似有寒風吹

自注乾隆丁未  
余山十歲家

此與僧雲秀伯和題壁間有石佛寺堂符  
鼓靜天門禪室老僧閒之句今墨跡朗然

雙柏堂詩有序

家璞崖翁建小齋榜曰黎光書屋延里師教諸弟姪輩  
蓋取劉子政校書遺事余見其手植兩柏葱蘢翠立請  
更名雙柏堂

山齋兩柏搖青蒼積陰滿屋書在牀花草匝地牆一尺我  
欲藉此名柏堂主人移根手自植節老不死禁雪霜中有  
畸人竟日坐癯骨挺立頤而長傳經欲鄙劉子政直追伏  
生畱篋亡我來叩門倒屣出坐對兩柏談羲皇知我廢飲  
有茶癖澆以七椀龍團香忽見交柯動無數且助兩腋清  
風涼明年老人來照讀此柏化作青黎光

宿慧龍庵

前山後山風捲簾江水始波江日落水雲欲起潭煙深惟  
有漁舟夜深泊俄聞颯颯秋風淒佛鐙火暗寒入脾袖手  
跏趺點頭坐破壁但聽饑鼠嘶我時默想參菩提儼若毒  
龍受禪羈俯首縮頸淖中棲憾無神兒槃陀師吹螺擊鼓  
撞大鑼但要丹書出佛臍使我讀之字字心不迷火光照  
耀庵東西

賣詩翁 有序

賣詩翁余鄉奇逸士也姓楊名興樹號荃圃晚號山樵  
不求祿仕不矜小節縱情詩酒閒類於放廢者人皆以  
顛呼之年六十日事大翁嘗賦其小詩以賣價甚廉里

兒爭買之遂自號曰賣詩翁著有山樵外史一名載鬼  
一車皆荒怪不經之事然規戒褒貶於神道設教之意  
似有寓焉

山樵老翁囊正空挾書橫走街西東市人購買不識字夜  
來夢入森羅宮云買山樵外史傳墮入地獄泥犁中豈知  
是翁坐詩窮明朝又作賣詩翁小兒醵錢爭買誦舌乾聲  
澀如秋蛩近來少見多所怪奇字未解尋楊雄白注翁詩多奇字  
遂令千金委廢莽大珠易餅欺常餽我詩不復一錢值爲  
翁吐氣如長虹一字一縑何足道持此可以開羣蒙

戲贈柯偉翁通醫術

柯家巷頭柯老家東壁傾倒西壁斜落葉滿階風滿屋簷



角連絡牽牛花房空無人走餓鼠藤深沒腫藏修蛇平生  
性鄙身障麓一朝鬢類蓬生麻檢點刀圭出囊篋煅鍊金  
石攻癥瘕自言我肱已三折但要人發多四極得錢沽酒  
便酣飲醉倒不怕形墮車更無妻孥供井臼那更租稅充  
官衙仰天何事書怪事得食庶免呼來嗟伊我髫齡好吟  
詠一生文字遭淫哇中年亦頗授此術拙技未許營生涯  
譬彼疴癢不自禁隔韓亦欲爲搔爬君家當年芻滿榻錦  
韞銀勒輝駟驂邇來門前成約圃兩部但聞青草蛙我有  
沈疴君莫識醇酒與鼻先叩牙洗盞擊壺煩國手毋使督  
郵隔上霄有遮

口珠篇

自注壬午七月二十日  
生女日珠余年四十五

夢女之祥虺與蛇風詩紀載真不差我雖未夢兆已見  
孕有蛇三至家龍珠在頷蛇在口懸知此兆亦可嘉當時  
默想心語口生女生男其命耶不計今年產阿颺正月拾  
得中秋瓜自注六弟正月雪中拾得呱呱下地果衣褐遂  
以口珠名我娃洗拭急抱上牀尋譬以玉屑磨渠瑋珊瑚  
出水軟映日蚌珠擘腹光照沙親老更憐我漸老產此未  
足爲矜誇祇今年纔四十五人雖不顧我不嗟白老年來  
愛羅子道韞嫁壻誇王家明年口珠應學語牽衣索乳聲  
牙牙君不見鄰媼來看傳好語樹欲結子先開花自注吾  
產女者謂之先  
開花後結子

遊花山題養拙山人壁有序

縣城西梅樹村三里許爲烏山烏山半里爲花山山高  
不盈二丈地濶不廣二畝亂石參差嶙峋奇峭如花蓋  
亂攢因以得名余世居此村偶訪養拙山人因題其壁  
玉皇駕螭駐雲車天門夜開傳女媧鍊餘五色補天石剪  
刻散作梅山花石髓凝脂蘂錯落雲根觸窟莖傾斜清溪  
迴流汎山骨古木倒臥畱枯杈藤梢刺眼行徑仄馬蹏滅  
迹林蒲遮眊同秦人遇漁父似逢劉阮餐胡麻卓午頗見  
蝶側翅趁睨亦有蜂排衙初疑河陽失故縣又訝天女攢  
奇葩山中人兮拙且老朝夕羯鼓手自撾催石開花花笑  
語誤山作峯良可嗟

自注前邑侯劉題秀挹  
花峯四字於慶豐門

家園雜詩五首

刷地結茅舍開園西洲西池寬魚不擾樹密鳥時嘯

乾枯李蜂窺蝕脆梨午時風未起一樣稻花齊

白注諺云禾怕午時

風人怕老來窮稻花午時正開  
孳風吹入孳多秀而不實

泊生無別業門外有三畦睡醒啜粗茗晨餐淡齏雀銜

新熟果燕隨舊巢泥阿姪供奔走猶能當小奚

成行六兄弟少小把鋤犁厨有生塵釜家無饑餉妻井泉

淘瓦礫山碓鑿糠稗不敢稱年齒翻爲兒女嘯

家貧乏旨蓄一味喜分提村店惟鹽米山城尙鼓鼙才疏

人所易路僻客多迷漫向尊前訴徒餘綠滿蹊

看花聊度日種竹漸成隄埽逕延逸叟過隣尋暮雞家居

原有分世事本無睽更愛原頭上攜壺帶月蹊

牛家店四首 有序

牛家店古屬十六峒獠山今隸邵陽隆回余縣轉徙者  
居之百有餘年墾土爲田家多饒裕俗醇知義獠人僅  
五十分之一其昏祭諸禮悉用余鄉舊俗但地冷風高  
豐歉與都邑異耳

昔隸獠徭部今爲官長司田高耕石骨屋矮葺松皮荒地  
無輸稅居民有積貲年終買新厯早晚識農時

泥深田易脆畚燒壤偏肥禾稼秋多倍牛羊暮自歸山高  
雲半起風急鳥橫飛歲晚憚無事家家搗紫微

到老深山裏通都識面稀得錢儲樑炭餘粟易綿衣畏虎  
朝關柴縣頭夜打圍忽聞嘉客至來往亦依依

殷勤鄰叟風俗竟何如有女能縫袴生兒不讀書臘時  
先祀竈昏禮亦乘輿自注猶人嫁女用儀客至談興廢遺  
民溯厥初

荒村二首

穀雨節已半浹旬種一拳

自注余鄉農諺云秧一拳忙抄田

渠推村碾急

藤壓竹籬偏井廢沙填檻畦穿萍過田老農奔走日城市  
正高眠

米貴年來劇墟空民半遷野厨畱石火山篋漏巖泉薪溼  
重添雨廬低倍鬱煙年荒猶賽廟釀費買豚肩

雨後夜步池上因過西溪

陂頭甃石瀉微流池滿無聲碧似油新月銜山猶帶暈落

花沾水亦添漚藤梢著雨纔勝蝶螢火禁風自入樓惟有  
西溪舊時柳夜煙橫處繫漁舟

途中遇花朝寄楊鈞莊

單袷輕寒欲暮天客途沾酒不論錢春風細草江干路密  
雨垂楊郭外煙  
二月昭陵道孤負韶華又一年

舟次遇同鄉估客夜話

挂帆已類浮萍跡解纜猶爲柳下畱漁火夜紅林葉盡荻  
花汀白水雲秋三年壯志今宵酒千里歸心昨日舟最是  
鄉關情未訴又聽長笛起江樓

暮春閒居

別墅逍遙且閉關尋春忽復送春還迴塘風過新蒲綠  
水波平雛鴨閒午後煎蔬燒白酒曉餘飲枕看青山渴  
白笑成詩癖醉裏塗鴉醒又刪

昨夜

昨夜春寒透綺帷不須惆悵晚風時至今法譜歌桃葉自  
古悲吟怨柳枝洛水有神應是幻巫山無夢鎮相思御溝  
題徧渾閒事莫道前人總好癡

寒食憶花朝

闌珊春思爲誰憐那有花朝勝昔年蜜欲熟時蜂未懶絮  
將飛日柳猶眠綠燕過雨柔如膩紫葳蕤小似拳乞取  
火分寒食後牡丹開放豔陽天



花朝雨止小園桃花盛開

作意尋春春太遲纔知花信強愆期臘梅帶子猶藏葉蘆  
筍生孫未有枝故遣青泥沾落葉卻教紅粉綴芳姿倚門  
惆悵年年憾厭讀崔郎七字詩

西平村閑題高晴圃先生齋壁

亂山深處是西平雲散峯高雪欲晴  
溼竈晚燒樵葉火寒齋朝煮蕨芽根  
柳鳴風裏猶知避鴉噪叢林虎欲行  
地僻務閒官事少不妨相約子孫耕  
自注土人患鴉噪叢林虎欲行地僻務閒官事少不妨相約子孫耕風動自擊名曰風柳村常

自虎畫出則鴉鵲羣飛噪舞隨之士人因以候虎所狂

撞水庵

自注庵在西平村高巖半壁間三澗分流直至巖下始合庵因以名行數里入麻溪合溪水

毗松匝地畫常靜修竹圍欄戶不扃水到前溪三道白屋

飲半壁一庵青竹間里俗供僧飯時有鄉人說佛靈爲問

藥師猶在否空山如此好談經

自注庵僧  
頗知醫

### 後園探春

昨夜東風圖雪妍小園今已半晴天含芽紫筍初抽露帶  
蕊紅桃欲破煙止酒纔經千日滿讀書應悔十年前倚樓  
人狂情何限寄語繁花春欲然

### 草堂閒居喜曾杏村惠茶

一簇青山繞郭涼綠陰深處是西岡嫩苗紫筍偏含苦老  
樹黃橙半帶酸但使烹茶能當酒卽今種秫亦爲糧故人  
尙憶盧仝渴白甌封題遠寄將

### 治病禹門山齋席上得猪肝口占一首嘲之

乞米餐糞不厭貧隱醫聊寄散閒身手持雞肋誰憐汝日  
啖猪肝亦累人自愧無錢難設醴自注禹門不嗜酒莫言作病且  
濡唇山齋也共公樂飲醉倒休妨灞尉嗔

### 午餉

纔向田間決水迴又攜午餉到溪隈殘虹未斷雲四起知  
是前山雨欲來

### 天池山晚望

防禦何曾此地經層樓飛閣盡凋零如何山色斜陽裏尙  
有寒鴉入六亭

按宋理宗以邵州防禦使登極并宋之國今方志  
略稱六亭飛閣連橋皆繫空失實之談不知宋代  
防禦節鎮皆是帶領無一人親  
臨者西詞此詩尙有古意

代應

午夜長吟待曉星  
案頭筠管點流螢  
座中莫唱黃驪曲  
腸斷遙西不忍聽

自注時有以黃驪曲名題者

畦上行

春畦如膩雨初晴  
背日緣溪載酒行  
野水停流山碓歇  
隔林遙聽打牛聲

漁村

杉皮屋子對清漪  
新織絲簾曝短籬  
日暮半江風欲定  
綠陰深處放鸕鷀

新波初上釣魚磯  
山港煙寒鮮鮒肥  
冒雨夜歸腥滿地  
自烘蘆葦爇蓑衣

簪花詞二首 并序

甲戌春余年三十七始補弟子員簪花之辰時有皓首  
赴學者詢之則鄧遜溪先生時年七十有一矣因念窮  
通之會小試耳然感而作簪花詞

七歲攜書入學堂年華如許鬢蒼蒼纔教識得諸生禮率  
同窺夫子牆

綬帶輕裘潤袖欄漫羞新進正彈冠白頭莫怪腰難折弟  
子從來拜冷官

案遜溪先生吾鄉陳白沙也其學深遠純粹德曾  
盜然隱居蘇溪以醫術濟人臨老復試於有司附  
縣學籍非其志也有詩是

鄧伸子顯鵬 十首

先仲兄字子振一字雲衢耘渠其自號也抱負英  
偉自其幼時卽以聖賢豪傑自待中遭家難兩大  
人汲汲無歡甚望兒輩一立門戶督之益切顯鶴  
狂吠無知且多病兄體素健發憤至廢寢食夜半  
偶倦而思睡則勃起自責曰而忘而兩親之苦耶  
則泣且泣且讀聲達旦不已如此日以爲常甫冠  
侍外大父毛府君靖州學署先孺人恐其遠離廢  
學畫課經圖右手執杖以鍼刺指血濡其上喻之  
曰兒見圖如見我母片刻忘也兄至靖敬懸座右  
一仰視則流涕被面居靖三年從茶陵譚希齋先  
生聲元遊益究心天人性命之旨及當世之務鍵

戶不出學乃大成時刺靖者爲介休魯心齋先生  
習之乾隆中所稱湖南三循吏之一也重兄品學  
語希齋先生曰鄧生吾黨薪傳也其早歲卽兄重  
於人如此歸後始隸於學以經術教授里中資脩  
脯以養所作經藝繩幽鑿險困舉場四十年竟以  
諸生終性忱直內行純篤哀樂過人事二親曲盡  
孝養兄弟友愛綦篤先君子晚歲得氣恙伯兄早  
衰顯鶴幼多病醫者謂將不永年兄日夜泣禱於  
神有減壽延二親分年與兄弟之誓其至性如此  
先君子居鄉急人之急憂人之憂兄踵而行之鄉  
里有急難不惜濡首焦髮以救顧疾惡過嚴儕輩

憚之不敢近然里有曲直必就質有踵門泣者或  
望廬而返曰何可令鄧先生聞也與人言反復切  
至醇醇然期於必聽諸經皆手鈔諸史歲必讀一  
過隨手論斷丹黃炳然五經皆有論纂於毛詩春  
秋用功尤深晚乃成說詩嚙語春秋目論二書早  
歲嘗手寫四子書一冊蠅頭端楷皆漢宋以來諸  
儒精蘊去取詳核蓋合典制義理爲一書嘉慶中  
顯鶴攜入都座主長壽韓先生擬以餽木且曰此  
等樸學尙囿諸生籍誰任其咎耶後此書攜往粵  
中燬於火家無副本世遂無傳者矣臨川李春湖  
侍郎宗瀚亦語顯鶴曰余生平無他愧獨視學湖



南三年不能識耘渠於場屋中乃其所著書亦因我而燬思之時難爲懷耳蓋前書實燬於侍郎宅也最後歙縣程春海侍郎恩澤視學來楚聞兄名必欲羅而致之兄遂不與試試畢學使乃就南豐譚鐵簫太守光祜署一見之致顯鶴書曰雲渠今之古人不易得也兄生平嘗以近名爲戒匿跡銷聲甘心枯槁迄見顯鶴稍稍與天下士大夫接輒嚮蹙曰過情之譽君子所恥招尤召謗皆由於此甚不願弟有此也道光初顯鶴將謁選北行論資可得縣令兄自以家世寒素鉅野君作令六年以耿介獲重譴備累鉅萬籍產無以償戒顯鶴勿作

令兄之言曰仕而爲貧賢者弗免然將人以肥已  
不可爲也顧舍已以徇人又可爲乎且果有益於  
人舍已以徇亦何憚但恐於人無分寸利而有尋  
丈之害人已兩病則不如不爲之愈也顯鶴頓首  
受命遂行道經安慶陶文毅公時方爲巡撫創修  
安徽通志以志事誣譏兄恐其或不堅厥志也爰  
繪聽雨圖見寄取坡公慎勿苦愛高官職之意而  
老友歐陽禰東跋其後兄手書數千言反復申前  
說要以必踐毋中變時桐城吳春麓侍御廣枚方  
主講敬敬書院見之具衣冠拜曰何可當吾世而  
失此人手錄其書寄示子弟親知殆徧抵揚曾賓

谷中丞時視畿淮上嘉其志作兩詩堅之顯鶴遂  
定計求作縣學官畫耦耕圖以報之二圖題識遂  
徧海內既謁選得寧鄉學官兄喜曰此可遂耦耕  
聽雨之約矣於是往來資馮閒一十三年對牀風  
雨朝夕與共茹荼飲蘄甘之若飴今所刊行目論  
鑿語二書皆成於此時也淵明有言性剛才拙與  
世多忤猥以尤悔交集之身處指摘叢生之地非  
意之干求全之毀不一而足老兄曰可以行矣遂  
以病免歸而琳兒惡耗至兄中年得氣恙如先大  
人而特甚沈憊牀褥遂以不起痛哉兄卒之前一  
月爲先大父營建先祠上樑之夕兄夢至一山上

有石壁千尋大書獄時在望四字余十年前於辛卯元旦夢兄葬嶽麓山頂心異之次夕兄復夢人授以簡有惟岳降靈完受永貞子子孫孫繼繼繩繩之語全受全歸神已明示之矣是時兄尙未有孫逝後二子各舉一雄遂以繼繩二字名之彌留之夕語及時事猶勃勃欲奮須髯怒張目光出睫外如平日已顧顯鶴笑曰余學道一生於死生二字尙未了徹今日幸當親歷之但未卜何時行耳先夕顯鶴夢一人示朱書一紙云是楊通侯似今之符票者然中有鄧旦放行字以語兄笑曰待旦而行期在隔朝乎余亦以幸而至於旦爲聖賢啟

手撒瑟之期至次日已刻而逝其臨終神明不亂  
又如此比閱兄松竹園雅集圖見陽湖湯雨生都  
督題詩有醉鄉自往豈勞送鄧且固是欺孩童語  
乃歎事之前定如此近日刊行衡陽王而農先生  
遺書中有爲其兄貞獻傳略云吾兄之先我而逝  
也意者曹夫之之死以述兄之行與不然何辜於  
天而使穀子荼毒之至於此極也又云天地之生  
人均也我兄弟亦僅與人而爲人也賢且哲疏通  
而剛勁倍蓰什伯於我兄弟多矣我兄弟所以自  
問者非有殊絕不可及之事而奈何沾沾以自言  
而顯鶴言之不休如此嗚乎撫我則兄誨我則師

子山有言莫知我哀老友鄞縣沈栗仲道寬挽章  
云覃思詰經是專門名家學問行素履適垂保世  
滋大規模庶得吾兄之實矣兄韻語不多作然於  
此道源流正變罔不洞悉也兄遺命不存詩稿孤  
瑤從亂帙中檢得一二紙竊附於遺山傳敏之阮  
翁傳考功之義用殿耆舊全集之後而以亡兒琳  
遺詩附存簡末亦瑤意也

有狐五章

有狐而豐有羔而非是絨是縫素絲五總君子服之以安  
其躬

衣維章矣裘維良矣綱以襲之錦以裼之彼君子兮安且

吉兮

有鼠奇溫有鳥號寒嗟我君子解露衣單豈不思溫豈不  
畏寒我獨擁此得毋厚顏

相爾是服豈不是福福與德俱爾德何歟君子而榮衣被  
千人君子而窮衣被一身

窮則常斯榮則何時必榮而施人煖無期我擁重裯寒夜  
難禁不見子兮寒夜無衾

齒落戲占

我之初生七歲而齟今我始衰流光轉瞬初落一齒茲焉  
發軔一舌以柔存齒以剛折先民有言保身明哲而今而  
後默守吾拙解緊爾生時冀爾食肉汝雖齟齬我實碌碌

嚼盡鹽鹽殊負此腹

三解

汝痛兩載汝搖三月血氣既衰遂

有此缺嗚乎惜哉與諸齒別

四解

包裹藏汝弗敢棄失父母

遺體深荷培植未老而彫勞瘁已極

五解

我聞全受必當全

歸藏汝餒衍我尙未頽待我債滿用偕汝而

六解

送琳瑯琮北上

原注時琳瑯以拔貢赴都琳送之行卽以廩貢肄業太學

廷試

爲學戒干祿偉人恥符斗科第匪重人名實貴無負

聖代急賢哲械樸重新標煌煌拔萃科

朝廷慎所取一

紀始舉行其年歲在酉二子謬應選等厠顏爲忸阿兄送

之行逐隊風塵走汝曹本中下一經依左右今茲遂遠適

愆謬孰繩糾濟濟辟雍地實爲人材數古來齒冑灑六德

詔居首後代三舍意立法亦弗苟矧今

右文代造育澤



尤厚爲學先器識文藝特其後譬求枝葉茂植基期不朽  
古人重宦學千里求師友行矣厚自愛慎毋戀老與顯揚  
自有道不定在紫綬世榮亦偶耳門風要共守所憐阿九  
弱原注琮時患  
病方少愈脆質同蒲柳驅之迫輪駟實以利祿誘是  
豈父兄道撫衷默自咎閉門三日臥悵望徒搔首

紀事示村中耆老

老農植禾苗先在除蠹勝良民護鄉里先在去盜賊古人  
重請盜官民矢并力亭長游徼徒類能各盡職所以風尙  
淳井里安稼穡吾鄉本瘠土窮困亦已極重以宵小患民  
生曷由息年來鼠輩橫狡黠匪一術弱者乞哀憐姦者乃  
容匿披猖書亦動捕捉藏轉密父老訴之官官反不爲直

逡巡望闕歸蘊憤淚沾臆誓與父老約翦此始朝食絕其  
逋逃數姦回自殄熄土豪悉屏逐外來嚴辨詰以茲崔持  
肅雞犬皆甯謐祇恐鄰爲壑念之良憫惻父老謬歸功噴  
噴翁稱德衆勞我敢攘聞言增愧思勗哉率子弟相誠免  
姦惡丁男力耕作弱女勤紡織勉爲太平民時哉不可得

顯鶴謹案先君子居鄉率里人行古鄉亭令甲法  
以禮教信義服一鄉故吾里稱仁里吾兄踵而行  
之不政哀憶嘉慶間里有窩匪數家肆擾村莊兄  
倡衆鳴官力爲驅逐間里甯謐夜不閉戶者幾二  
十年今稍稍不如昔矣竊謂士大夫居鄉能使一  
鄉良善不受匪民之擾長此太平可也犯上作亂  
何自萌哉

舍弟湘阜自寧鄉學署歸作小九華山樓將約余聯

牀聽雨以終餘年樓成抱病一登口占二絕句

宛邱學舍如舟小曾共聯牀十二年歸臥資江尋舊約餘生無奈病魔纏

小樓結構亦艱辛抱病初登倚兩人正恐一朝先溘露他

年夜雨獨傷神用坡翁句

附錄新化鄧琳詩琳字孟華顯鶴之長子也以廩貢生肄業國子監坐監期未滿而卒有述別詩二首我生卅載餘未識別離苦上託父母慈下戀室家聚荒蕪學遂廢闕氣難鼓丈夫志四方焉能周鄉土念當事遠征子職缺莫補以茲迫衷腸中夜不遑處乃季冬十八尺書奉老父書言太學地濟濟人文府齒胄教因隆三舍制特古聖朝網才俊彙升川連茹欲祛孤陋譏豈憚道修同行況兩弟依依車得輔長臨聆訓辭發憤聞難舞上堂拜阿母淚下紛如雨我生卅載餘未識別離苦一朝遂捨去悵焉如失乳二朝正日元旦我行至新康老父喜我至酌我屠蘇觴世父尤慰勞距躍喜欲狂趣令率兩弟譚日理行裝舉觴囑同侶曹子與鄒郎丁甯重丁甯更僕語難詳老父送之

行全家寄一航滔滔指江漢實爲離別場  
回頭  
老父欲語先斷腸萬里從茲始艱險亦猶嘗  
平時  
義方訓在遠政遽忘  
勉冀無忝願廣明發章



沅湘耆舊集卷第一百七十九

新化鄧顯鶴湘臯編輯

湘陰左宗植仲基校訂

晴餘館詩十八首

武陵楊氏佚其名集名晴餘館見常德文徵

立春夜雨書懷

迢遙人徑絕偃臥暇日足經年守蓬廬一夕變春旭卉木  
淒以豔過雨散新綠始知生意深園林清如浴僕本出世  
人入道跂高躅臨淵不足羨抱朴心所欲昨枉故人書青  
山憶予篤終當弭節去采藥入深谷

讀書

清秋雲景舒曠日得閒爽餘晴謝溪壑展卷時一往莊生  
馳達言神素迷恹恹沈冥養望浮得失非外獎楚人並日  
月高義薄清朗懷沙怨未已哀郢心方蕩蒼茫思古歡咫尺  
視秋壤至人澹無豫抱此絕遐想

周氏湖亭同孫麓門作

周家水亭子三面碧漣漪人影清波外湖光返照時芸香  
深觸手花氣靜浮卮小謝聞新唱巴人空費詞

晴餘館中閒坐

海嶽棲無地蕭然一榻存名園三世故喬木百年尊北郭  
成招隱青春斷埽門於陵非寂寞未厭桔槔喧

送孫麓門之令郅都

沅湘清絕地自昔楚人風亦有離騷怨能忘出塞雄  
成粉本餘韻在空同努力看前輩鯨魚碧海中

聞雁

清露人簾稀餘寒上袂衣江山貧士歎使節漢臣歸大漠  
難求侶長城未解圍年年厭南北漂泊欲何依

雁至不絕

大漠無邊雁蕭蕭日夜來路長弦子國天濶李陵臺八月  
防秋早中宵出塞回章華起孤角並入楚人哀

睡起看月

秋氣薄庭戶夜深人語孤寒星半寥廓歸雁滿平蕪衆葉  
響初寂一鐙深欲無坐聞南垞外清露滴菰蒲



邊信四首

諸道徵師急關河但阻修鼓星雙角動笳吹百蠻秋指顧  
泥丸失艱難雪嶺收棘門真戲爾堅壁問條侯  
膚篋千山外西風萬馬驕虎頭真食肉猿臂慣擒鵬亞和  
橫戈遠中行出塞遙有時仍射獵鎗火晝連鑣  
坐食千夫怒思歸奮一呼聞軍孫楚慢慢報國李陵孤諸將  
方驕醜天心亦厭隅都人望休暇歲暮卽征途  
大將出居延通侯拜酒泉朝陰迷毳帳夜凍折膠弦猿鶴  
紛隨野牛羊自一天版圖抒職貢想見至元年

沅江夜泊

沅湘春始波枉棹一來過水國暮寒重沙洲人語多渚煙

猶未暝風水漸相和  
試起推篷望漁人何處歌

瓶中桃

小桃春一國映拂得名香  
伴我維摩室天花作道場  
社公分小雨延露出花房  
細把千回看徘徊宋玉牆

江行晚望

帆挂夕陽邊湖平二月天  
菜花黃映酒沙鳥白如鷗  
水驛暮程促山城歸舳連  
明朝是寒食何處有新煙

晚過龍陽縣

薄晚辰陽閣中流弭楫看  
數家連米市一路帶漁竿  
遠戍孤煙起高樓暮火攢  
誰家新酒熟得醉亦成歡

白沙

白沙初日晴沙尾帶潮聲天水方迷色帆檣自不驚楚宮  
何浩渺楓樹最分明試問停舟處人煙漢壽城

張逸名詩十一首

武陵張氏佚其名有孫名鉅孫見常德文徵

贈吳震一

滄浪原咫尺惜別幾經年善病君猶健傭書我自憐世情  
看野馬家計擬飢鷺往事難追數相逢亦黯然

猶憶趨階日嚶嚶聽鳥鳴飄零連夢斷生死總心驚

白注謂鑒

外舅白髮悲高塚青鐙泣舊盟人生如過隙何必論浮名

別二兄四首

聚散如萍梗蠻山強再過極知歸去好無奈別離何笑口

問原少天親憾不多遐荒曾幾面空有短長歌

酒勸因時飲愁尋樂處消襟懷能豁達眠食自逍遙梅凍  
看禽啄霜融任馬驕圖甯關上路咫尺竟雲霄

白頭憐姊在一子未能回菽水誰能奉桑榆只自哀但期  
趨問訊定取其徘徊紆道文江渡呼孫拜我來

此日憐兄弟寥寥十一人飄蓬惟我共轉眼復誰親燕樂  
從賓客悲歌動鬼神何時再聚首鬢鬢總如銀

泊洪江送十三弟往會同兼寄二十五兩弟

病覺今朝減船頭莫歎嗟三冬如過隙諸弟可還家溪窄  
舟偏滯山高日易斜倚篷獨叉手瞪目數歸鴉

憐汝裘將敝臨行未解衣路遙歸不易老去順多違雲散

天將霽山深露未晞客途休孟浪兄弟好相依

刺灘

亂石真如刺攢鋒不可撓岍紆嫌纜短水急幸舟輕空有  
縱橫計能無次第行連年真孟浪回首一心驚

對酒有懷二十六兩舍弟

飛觴醉月莫辭寬醉倒纔能萬事完一世飽嘗惟苦澀百  
年休辨孰醎酸請看天上團圓少方信人間聚會難笑問  
秋光誰更老寸心不待曉霜丹

山居

數椽板屋足逍遙况復溪山耐寂寥禮法幸非因我設賤  
貧原可向人驕青松綠竹長相守白酒黃雞或見招放蕩

一身遭 盛世好終耕鑿頌神堯

幸無笞罵類人奴獨坐何須擊唾壺種樹只消閒氣力看  
山莫惜破工夫初生蘇把肥如荀漸長鵝雛大似鳬乏食  
老農休望歲 至尊今已詔蠲租

弟兄師友樂何如悔向侯門空曳裾問字未須頻載酒灌  
園豈待別成渠偶然乘興聊歌在忽慢懷人懶寄書信是  
庭階有真樂閒行共我自徐徐

八月十三夜對月

月色今宵勝昨宵舞衫微動燭光搖新詩自許狂無敵宿  
酒猶嫌渴未消山館厭添歌吹亂天香喜著露華嬌人生  
行樂原須早幾見冰輪破寂寥

十五夜對月示十弟十五弟

常頃明月已全圓老眼看來尙未然但欠一絲猶待望

注自

是月十六日始望

漫愁萬里不同天人無百歲憂千歲病覺今年

勝去年竟夕莫嫌風露冷勸酬何減醉華筵

經訓堂遺詩二十六首

余少時賦落葉詩有蕭蕭暮雨吳娘曲嫋嫋秋風

楚客歌古渡柳殘人打槳吳江楓冷客乘舟之句

或曰此常語也遂拉雜摧燒之比從里社儕輩閒

見有傳鈔是題得歸根二字者質之塾師知是同

縣孫石溪吳蘭柴兩先作今經訓堂刊本尙存二

首是其徵也念吾鄉諸老言詩過自矜重此等殘

膏肓馥沾丐後人之作概從刪落其餘不傳者多  
矣此集刊成適友人攜來一村塾殘本中有兩翁  
遺詩翻閱一過覺當日情事宛然在目因并附是  
卷佚名之後

落葉得歸根二字

金井梧桐一葉飛晚風庭院自依依波生南浦人初去楓  
老吳江客未歸曲徑雨深荒磴滿遙天煙靄暮山微秋雪  
隴首知何處夜落亭皋旅夢稀

杞菊厨煙可待溫雙童縛帚遍離根此生蹤跡眞搖落何  
處家山是本元去雁遠天依疊巘亂鴉流水認孤村江南  
畱得徐波在幅紙濃書揭寺門



案此二首見刊  
本與此小異

日上江寒樹影稀  
蕭森滿徑擁柴扉  
空餘老幹高千尺  
忽漫長條碎十圍  
隋苑暮鐘螢火沒  
吳宮清漏鷓鴣飛  
年來芳草俱憔悴  
底事王孫望不歸

江流淼淼暝煙霏  
玉露凋傷翠葉稀  
天際影沈秋色遠  
雨中聲撼暮潮歸  
返魂應有神仙術  
落魄終銷漢上磯  
凝碧池頭絃管奏  
空宮淚滿逐臣衣

孤蓬飄泊已無根  
亭榭荒涼落日昏  
南內笙歌何處散  
西園賓客幾人存  
蒼苔古道三生迹  
冷雨幽窗一抹痕  
畱得滿階紅不埽  
春來依舊與招魂

連枝舊約總難論  
古樹槎枒有斷根  
繡幙風停猶自舞  
瑣

窗月落了無痕凋殘十里徐熙畫零落千山杜宇魂衰草  
白楊依伴處濛濛煙雨溼黃昏

步履尋幽載酒樽晚秋黃葉遍山根迢迢遠岸孤芳色嫋  
嫋悲風北渚痕庾信小園新作賦梁王東苑舊承恩倚闌  
目斷空城外湖水寒煙第幾村

露葉煙條映曉暎晚來蕭瑟不堪論長橋憶過青溪道舊  
館愁多白下門蘇小淚粗畱賸粉吳娘歌管咽殘魂遊人  
牽馬匆匆去一任荒蕪困石根

簷前冷露滴秋根古木蒼藤葉下痕粟里孤村添黯澹御  
溝流水出潺湲酒醒結綺樓中夢花落長生殿裏魂一種  
芳菲怨清歇何時重得上金門

春色繁華事已非  
無邊落木送斜暉  
三秋細雨愁時在  
九月寒砧响後稀  
荷鋪劉伶渾欲老  
登樓王粲正思歸  
潯陽江上頻回首  
金撥槽槽不忍揮

寒山無復叫催歸  
樹色紅黃點翠微  
林外青霜秋瑟瑟  
渡頭殘靄畫霏霏  
潯陽水落琵琶冷  
夔府天高鼓角稀  
颯颯南風飄落木  
可憐公子不勝衣

空隄暮雨總霏霏  
湛湛長紅葉亂飛  
獵火燒殘來礪戶  
樵聲歌起到巖扉  
採芝何處逢黃石  
煨芋祇應換白衣  
撼撼雲林欺旅夢  
爭教遠客不思歸

芳葦萋萋底不歸  
蕭蕭黃葉滿城飛  
秋煙澹沲梅根浦  
夜雨刁騷燕子磯  
樂府飄零商女盡  
酒廬寂寞舊遊非  
寒江

十幅蒲帆影愁有吳楓照客衣

一夜邊風滿大旗關榆都向塞垣飛  
林煙慘澹征鴻度雲木蕭條匹馬歸  
紙筆幾時通尺素檠砧何處寄寒衣  
平沙萬里交河北知有參軍減帶圍

朝天何日駐金根  
有秋槐落葉繁每逐輕風穿永巷  
曾隨急雨到長門  
冬青只葬攢官骨杜宇難招望帝魂  
幾度宮人斜上過鬼燐  
焚火哭荒原

萬木參天綠葉繁  
傷心終是委山根  
林中雨細雲歸洞  
木末煙寒水抱村  
廬阜何曾聞李景  
漢南空自老桓溫  
蒼藤半捲槎枒處  
茗椀香爐畫掩門

稜稜霜氣落平原  
木葉霏霏倚石根  
山寺半懸殘照影  
溪

橋斜帶晚煙痕雲連大海搖僂耳風捲平沙掩玉門天外  
寒煙三四點青帘飄處有孤村

案先生詩刻集時有全首更換者外論頗不然往  
礪東嘗與余言今稍附錄原本及刪落諸作於後

盧龍道中寄呈家兄梅亭

日下迴看隱秘魔關山寥落枕琬戈朔雲蕃部桃林塞  
青草邊城鴨子河萬里愁懷征旆遠五更殘夢故園多北平  
老將頽唐甚可有郵亭醉尉詞

六月四日抵臨榆呈家兄梅亭

白草黃沙傍馬颺楊鞭幾日到遼西鳳城野戍多楊柳獵  
火人家半鷗鷺蔡女胡笳聲斷絕秦時明月影懷迷須知  
聖主恩深處鐵嶺陳循更遠羈

丙申春試南歸書懷二首

斗酒歸來送客愁，天涯殘雪滿重裘。乾坤大地環裨海，風雨坳堂繫芥舟。飯犢解衣誰拾汝，射雕身手自封侯。回頭車馬長安道，也許君平爛漫遊。

應門走馬快逢迎，絮語團圓問遠征。萬里頻回鄉國夢，東風不散塞垣情。漆身喜複形容老，上冢龐公涕淚橫。白甲蒼然無恙在，愁心攢火歲崢嶸。

喜蘭柴三兄自京還有作

歸來旅服盡沾霜，談柄如觀邸報章。神廟遠聞酬海若，河流今見築宣防。襄樊驛路連新鄭，鄧許風煙走濁漳。瘦馬都亭重行晚，北征知有句琅琅。

案已上諸作俱  
係刻集時刊落

黃陵廟

秋草黃雲白日閒黃陵廟裏淚筠斑鷓鴣飛去飛來影知  
是瀟湘帝子還

定王臺

古意蒼茫上漢臺定王藩邸夕陽開當時七國縱橫甚誰  
官逡巡舞袖迴

陶公祠

細雨空灘水國城竹頭木屑亦關情相從不媿溫忠武猶  
賴勤王八督兵

道林寺

道林詩老昔經過  
喬口銅官野興多  
不見西川嚴節度  
自頭衰謝阻兵戈

蘭柴翁遺詩二十首

落葉得歸根二字

寒城一眺綠陰稀  
平楚蒼然遠岸圍  
鳩婦雨來盤馬埒  
鯉魚風起落苔磯  
潁川淚墮懷中刺  
灞上魂銷短後衣  
最是白雲黃草木  
年年腸斷雁南歸

亭臯一葉下漁磯  
忽見園林入坐微  
萬里黃沙生馬角  
五更寒雪打牛衣  
秋陰滿院青苔井  
暮雨連山白板扉  
生意婆娑賦枯樹  
江南庾信幾時歸

寒山無復叫催歸  
樹色紅黃點翠微  
林外清霜秋瑟瑟  
渡



詞林典故卷第一  
頭殘靄畫錦霏潯陽水落琵琶冷夔府風高鼓角稀颯颯  
西風吹落木可憐公子不勝衣

芳草萋萋底不歸蕭蕭黃葉滿城飛秋煙澹沱梅根冶夜  
雨刁騷燕子磯樂府飄零商女盡酒鑪岑寂昔人非寒江  
十幅蒲帆影愁見吳楓點客衣

千章夏木葉初肥轉眼繁華事已非曠野悠悠秋雨急寒  
波淼淼暮潮歸登樓自古悲王粲赴洛於今歎陸機江畔  
倚橈愁絕處浦雲津樹共霏微

空林撼撼委雲根衰響愁聞落葉喧紅雨飄殘金谷酒清  
霜飛入玉津園陳琳書記飄蓬久向秀交遊宿草繁種柳  
昔人京典盡江潭悽愴老桓溫

商飈殷地徧高原望斷江南黃葉村朱雀橋邊雲縹緲大  
功坊裏月黃昏江楓漁火寒山寺秋柳烏啼白下門打槳  
至今餘渡口不知何處問桃根

輕帆飽挂白波翻落葉紛紛萬壑喧楚國秋深悲宋玉晉  
家南渡感劉琨攪林急雨驚殘夢繞樹西風愴客魂記否  
舊溪楊柳岸曾依翠樾坐雲根

空林踏葉已無痕玉露凋傷有斷根九月砧寒隨雨散洞  
庭波起帶風翻背鬼柱過朱仙鎮流馬空經五丈原惆悵  
故宮依蔓草暮鴉嚟向樂遊園

盧溝橋并序

予來京師素芳先予來五年風雨聯牀命酒必醉醉必

爲詩余尤喜其黃金臺上多青草魚藻池邊半夕陽之  
句妙入初唐欲仿其意作一首未能也頃素芳謁選得  
建水余適同車南歸過盧溝橋上梧葉隨波黃流乍漲  
時七月十二日也故作此追和素芳

道旁楊柳尙依依回首都門隔翠微秋水橋邊波乍起夕  
陽樓外葉初飛應官聽鼓滇池去久客旋車易水歸好是  
半年相向笑何時同著遂初衣

許州

河北河南四望通許昌城外霸王功紫髯白馬曹江左大  
口眞龍落漢中受禪有臺依夕照分香無塚向西風可憐  
閨位同新室莽莽曹公一世雄

案已上二詩爲時人傳誦稱之  
作蒙以爲非其至也姑附錄於此

和孫衡臯丙申南歸言懷之作

薊北江南萬里遊歸來知有黑貂裘  
定多千古傷心淚請  
盡天涯倦客愁舊事好尋昌國墓間情重望秣陵舟春正  
得及傳柑酒官曳長裾傍五侯

弟兄相見廿年情嗚咽沾巾賦北征  
開府渡江詩憤惋東坡過海筆崢嶸  
茶喜得粗官賞射虎知無醉尉橫爲語  
妻孥莫惆悵年來到處有逢迎

急雨過茱萸灘出峽而霽三首

石門對峙翠連天峽裏驚看急雨懸  
水漲漁舟移渡口峯  
回鳥道出炊煙篷牕破悶爭棋局柳  
梳銷愁問酒錢往事

沈湘耆舊集

卷第一百七十九

主

不堪重記省歸心遙在夕陽邊

漁歌欸乃隔煙聽  
蘭櫂輕搖雨乍停  
茅店倚江密半捲松  
庵挂石戶長扁灘頭水  
簾千尋碧峽角天開一  
綫青落魄已忘身是客  
從他飄泊在沙門

西風吹冷舊征衫  
返照連江影半銜  
客榜衝寒惟戾柁歸  
櫓帶雨不揚帆  
清垂曉露千條柳  
翠滴晴嵐萬樹杉  
雲磴又聞樵唱起  
欲將身世寄長鑱

踏青

寒食東風滿屋梁  
高原過雨日初長  
繡簾春倦雙趺軟  
寶鏡情多半額黃  
水漲綠蕪衝翡翠  
波翻紅雨浴鴛鴦  
銷魂幾度蘭橈女  
羅襪盈盈對夕陽

宿雨初晴港落潮絕憐明日是花朝樽前撥四傳纖手樓  
外秋千出細腰山鬼女蘿風颯颯王孫芳草路迢迢天桃  
穠李東西陌算有癡情不冑銷

潭影沈沈寫翠娥前溪唱斷采菱歌相思舊擬扁舟載好  
事誰將細馬馱香滿羅襦人薄醉寒銷半臂病新瘥東郊  
花信催行樂漫向機窗理玉梭

玉勒雕鞍白鼻騮春來紅豆幾枝斜剛從夢破調鸚鵡不  
待粧成插杏花瓊液客來春藥杵青苔人去浣溪紗年年  
金縷從頭壓大道城南第一家

案此等詩俱不足杼以蘭  
翁無專集始多附存數首

周素翁遺詩十首

病起有懷幼梅

藥裏開門萬念輕，帶鉤移盡愧餘生。  
少微未許占安道，白馬甯煩走巨卿。  
三徑風光寒菊瘦，滿樓山色暮雲平。  
長空影斷南飛雁，徙倚難消望遠情。

舟次寄幼梅

客心如夢杜鵑知，煙水平分去住思。  
百計總輸歸臥好，半程偏爲送人遲。  
梅花影落江城笛，鵲鳥聲高賈傅祠。  
又向此中吟別緒，春風添得鬢邊絲。  
自注：余有別緒，秋風吹不斷，繫人無那柳絲絲之句。

謬爲幼梅所賞

湘江守風有懷幼梅

危檣落日繫青楓，漁火遙憐隔岸紅。  
未躍延津看短劍，似

聞遼海訴孤鴻山橫豹霧連朝雨浪激鼉鳴永夜風把酒  
懷人輸慷慨孫郎獨秀大江東

舟次岳麓有懷幼梅暨諸同學

雲煙過眼水東流孤鶴空江夢昔遊吾道迴翔餘管邴當  
時摸索辨曹劉吹香亭倚斜陽外折柳人歸古渡頭風景  
不殊人事異如鉤新月罷登樓

酬幼梅書問兼述近懷二首

倚樽無語對雙魚往事沾襟邇幾餘三策終推繁露學五  
湖漫數計然書冠彈責禹吾何羨金鑄鍾期願豈虛頗怪  
梁園遲授簡四山風雨茂陵居

唾壺擊罷心徒壯木榻穿來事漸非惟汝猶教爲遠志羣



公早笑寄當歸谿江歲晚客垂釣衡岳秋空擬振衣雞黍  
約牽雙漿夢蓬門吾與日翻飛

失題

玉門春色到天涯路入甘泉始見花小塢曲籬圍野水鞭  
絲帽影澹明霞垂垂交亞疏還密得得將歆整復斜莫向  
紅埃問消息日邊端令種丹砂

敢將錦瑟訴華年卻立風塵不受憐九陌看花曾記否三  
春暮雨尙依然含情有憾何人見薄怒微頰只自妍爭似  
大隄隄上柳宛條飛絮綰離筵

邠連山復接燕支看取遨頭四月時環珮魂消沙漠北風  
流人想曲江池空還悞色輸開早瘦不禁寒怯起遲總是

東君次照力未須橫笛怨龜茲

娟娟紅袖恰礙柳鎖日高樓大道旁莫惜曉霜侵客鬢又  
驚春思山隣牆雲生犢劍田三徑雨過秧鉞水一方好去  
花明尋夾岸青天碧海皓茫茫

案素芳先生詩甚多前編輯  
時多遺漏今一例補錄是卷

楊孫翁遺詩 六首

### 望嶽

憶昔少年日杖策登祝融雲海盪心目吐氣如長虹高吟  
三十首呼吸帝座通蹉跎今已老遊蹤如轉蓬去歲遡江  
上煙雨朝濛濛望嶽嶽不見九面何能窮今朝風日好參  
差露諸峯篷窗一以眺突兀撐天宮我聞韓昌黎雲間見

青空又聞朱與張雪霽搜龍從偉人之所到靈爽皆爲功  
嗟余迫行役安能躡前蹤尙冀懶殘師半芋將飢充寬我  
抑塞懷轉我老醜容扁舟載嶽色去若浮輕鴻新詩亦安  
用一嘯來清風

登樓

鄉心正爾怯高樓客裏登臨滿眼愁雁陣遠盤彭蠡月蟬  
聲遙送大江秋青山有客悲楓荻紫氣何人辨斗牛早晚  
西風吹五雨一枝柔櫓趁清流

秋花

九天秋色澹如無猶有閒花伴竹梧濃豔豈仍春日好芳  
心未必化工殊御溝水冷流紅葉金台風寒見綠珠一

園林蜂蝶靜擬教人繪晚香圖

娟娟西風過畫欄孤芳且喜報平安  
十年老女蛾眉澹絕代佳人翠袂寒  
色映蘆花千里白心同楓葉一林丹  
笑他隄畔蕭蕭柳多少王孫不忍看

絳闕花神隸辱收嬌紅蛇紫盡勾留  
從教桃李稱前輩獨抱芳菲對素秋  
暮齒含香猶馥郁中年奪錦亦風流  
還童駐景皆仙術莫歎榮華總一漚

霜氣棱棱下九關仙人重返鶴林魂  
半生未遂青雲志垂老思邀白帝恩  
江上芙蓉春不管籬邊叢菊澹無言  
天涯何必傷搖落賸有幽蘭佐酒樽

案蘇翁詩亦無刊本故遺佚甚多暮年寄詠秋花至云垂老思邀白帝恩何其言之痛也卒之偃蹇

以終一命之榮身  
後始至可哀也已

曠阿峨遺詩 四首

和韻鑿石浦詩

招提小憩拂塵牀暫放官衙到佛堂爲憶詩人尋石浦最  
憐羈跡在迴塘飄風歸瑟舟何在送客潺湲水自忙爲架  
一椽剛十芻好除荒草破淩涼

老去遊蹤在澗阿草堂結契久蹉跎斯文憂患談何易遺  
像模糊蠹蝕多蒼薛作皴緣褐上耕犁礪角向碑摩自從  
仙令蒞榛後憑弔人來好放歌

當時兵氣塞乾坤亂世窮途那足論生不錦城安舊宅死  
甯鑿石意孤村眉還遠岫愁如鎖聲咽寒江憾欲吞魂魄

有知來夜月應參禪寂向空門

誰把閒愁特地傳新詩讀罷欲呼天牽舟長史原無屋誓  
水坡翁未有田寂寞空懷身後事飄零終愧昔時賢青鐙  
缺月如前夢也向江平一繫船

劉賓門遺詩二首

鑿石浦

清風政暇倚琴牀古調彈餘寂寂堂卻坐晴花開小帖便  
看秋水向寒塘鐘聲隔岸孤舟晚寺影臨江下界忙憂國  
何人遺構枉官令黃葉付蒼涼

鑿石棱棱送水阿少陵身世半蹉跎危檣細草吟思苦缺  
月青鐙旅憾多久分懷沙沈屨父空畱慧劍證維摩春江

浪湧悲風起爲想搔頭放浩歌

歐陽瑤岡遺詩二首

鑿石浦

停橈早宿舫爲牀久別成都背郭堂此夕有情留筆墨當年無主卜林塘浮沈秋浦閒鷗戲來往風帆估客忙誰向江天雲霧裏詩吟懷古調淒涼

萍浮鷗泛任乾坤老去扁舟孰與論檣燕有憐湖外客風鐙聊宿浦邊村事關君國心常碎詩擅曹劉氣盡吞早有今時賢地主忍教漂泊叩無門

案已上三老皆湖中名病也擇詩太少茲從友人處得鑿石浦和韻詩爲補錄是卷

胡封公尚齡遺詩四首

封公詩已見一百四十六卷比其子澍堂觀察興  
仁復寄到近體詩數章皆是州去官後就養蜀中  
作亟爲補錄於此以是集永順一廬詩止得封公  
與饒訓導建璋二人未免太少故也

次韻和成都李東園

青林

孝廉偶成詩卽以爲贈

城都初到日非爲卜并沈

余病微較就養來蜀

舞能迎養琴調稍

慰心秋容看鞠藥山色愛楓林靜坐閒無事拈豪試一吟

無敵淵源遠高吟髣髴之知名聞已早望益晤何遲聚首

歡如此談心快及時天涯知己在莫慢起愁思

久擬裁新句連番集草亭我嗟頭已白君許眼猶青此地

尊花浣遙吟有桂馨

原注祠後植桂甚多

從來同志侶相與惜惺惺



海氛猶未淨消息近如何建策公侯急望洋感憤多豈無  
驅鱷手會息怒鯨波翹首 皇威遠安瀾人化過

晃州別

陶然亭上下行藏出牧占虛鐸

自注往在京師遊陶然亭同人均於文昌

閣導卜前程余得一籤有出牧  
猶承聖主恩之句迄今殊未驗六載瓜期感駒隙一官飽  
繫愧鱸堂攜尊座有新知聚談藝心驚舊學荒莫恨音塵  
千里隔從來合志是同方

紫泉書屋修到房

翠芳清絕是寒梅繞屋扶疏次第栽漫待多生凡骨換也  
知修到卽仙才

止水詩八首

止水湘潭人伏其名氏集中有懷石甥詩又有石甥自錢塘寄來山水小幅詩蓋洛川大令養泉之諸舅也

夏日卽事

六月涼飈集人意轉生憎豈必惡炎熱寒暄每相乘定知入秋來驕陽必肆騰况當長夏日那堪陰氣凝晨夕家人輩或挾纈與繪以予素多病當此胡能勝東軒轉思曝北窗如臥冰下帷展做書半卷已瞢瞢撫時還多感微軀何足矜

秋夜鐙下偶作

觀書兩目倦掩卷聽蟲吟四壁咸唧唧我心轉和平頃讀

古人書頗多不平鳴私心有所感一一爲我明擊節徒太  
息懊惱誰能清不如聽蟲語百端且弗驚

### 夏涼書事

赤帝失御冬冥忙火龍馭夏旋復藏非秋風雨聲鳴商舍  
南舍北春漲狂靜室疑冬氣不揚擁衾晝臥如僧房北窗  
六月喜生涼而今詎敢傲羲皇炎涼態遠醉睡鄉洪鑪冷  
煖亦不常人情天意兩茫茫率筆題詩聊記將

### 春日遊桃花洞山寺

樹合疑無地行行鹿苑開人穿青草徑僧揖白雲堆靜響  
隨鈴應幽香拂袂來禪關初闢處乍到滌塵埃

攬盡三湘盛還來叩此關林中間梵逸谷裏幽耕閒客榻

枕流水禪房侍好山遠公詩興勃聊復一追攀

山邊老梅半枯有弱篠從空腹中挺出竹葉垂梅梢  
有若寄生然友人一見奇之謂當題詠因漫作得五

言律數首

因依不擇地付予本隨天半死甯他昵微生祇自憐孤根  
依節勁枵腹樂神全兩美何求合奇緣亦偶然

馮生饒大地偏爾得支離幸不從非偶聊相慰慙遺形分  
神不雜體合性無移閒讀南華卷駢枝詎足奇

無名氏一首

延籬豆

白雲村舍穩支離豆蔓延來恰恰宜半圃秋容窺鹿眼二

沅湘耆舊集卷第一百七十九

三

分涼月映蛾眉花垂屋角蟲吟早陰接棚頭客話遲好共  
園丁時採摘茅簷低亞繪圖詩

案此詩係乾隆末某學使試士所錄爲一時傳鈔者偶從村塾中得其稿因解錄之

沅湘耆舊集卷第一百八十

新化鄧顯鶴湘臯編輯

長沙毛國翰青垣校訂

女士

逆流女子杜湘娥

十首

湘娥湖南人邑里無考或曰名小英沅陵人順治  
甲午大兵下辰州爲小校所掠軍帥曹丙欲納  
之揭之東下小英自衛甚固屢以計匿諸女伴中  
得免舟過漢口將掠九江臨發遣以一鏡小英知  
不免乃詭言當祭母江上作絕命詞十首以油素  
納胸中投江死時六月二十四日也尸至陽邏陽

邏人收葬之大士園後乃得詩以傳於時見辰州志

一說女死後逆流而西寶慶推官朱某之長沙見

而異之募人拾起衣密縫無寸隙懷中絕命詞十

首推官子朱直述以傳而長沙貢生萬機作詩以

紀

見辰州志拾遺今按寶慶無推官惟其一說  
時同知有朱瑛選舉志亦無萬機其人

武岡女子見州志王虎止笈雲草稱杜湘娥余修

武岡志時亦仍舊志錄之案湘娥事見於記載者

不一明詩綜但稱湘中女子長沙府志但稱逆流

女子錢受之記其事至詳詩綜亦引王仰止云湘

中女子名氏不傳第知爲湘江人其沈江也逆流

至湖南水濱顏色如生左臂繫素帕十絕句聞人

林古度跋之已上諸說初無所謂杜小英也辰州  
府志乃并其父名母氏并外戚中表家譜纂圖繫  
繫言之其爲好事附會無疑今仍從笈雲草稱湘  
娥列於 本朝女士之首云

絕命詩

家鄉一別已遭兵此日含羞到漢城忽聽將軍搜括令  
人何敢惜餘生

厭聽鶯兒帶笑歌幾回腸斷嶺猿多青鸞有意隨王母空  
教人閒設網羅

骨肉輕拋弟與兄依人千里夢長驚歸魂若返家園去報  
說二親已不生



照影江干祇自悲  
永辭鸞鏡斂雙眉  
朱門空許諧秦晉  
死後相逢總不知

遮身猶是舊羅衣  
夢到瀟湘何日歸  
遠涉風濤誰作伴  
深遙祝雨靈妃

當時閨閣惜如珍  
何事牽裾逐水濱  
寄語老親休悵悵  
人江猶是女兒身

少小丁甯畫閣時  
詩書曾託母兄師  
濤聲夜夜悲何極  
猶記挑燈讀楚辭

征颿又說近雙孤  
掩淚深深怯夜烏  
甯葬江魚波底沒  
不留青塚到單于

生平曾許未簪笄  
深入狂瀾歟不齊  
河伯有心憐薄命  
東

流直繞洞庭西

圖史當年講解真殺身自古欲成仁簪纓雖魏奇男子猶勝王家共事臣

抄完顏憚太夫人正始集亦錄小英兩詩云遭吳  
逆故為營兵所掠至小孤山投江死尸逆流三日  
返所紀小異又正始集錄起秀湖南末陽人年  
二十未字順治甲午遭兵亂為游卒所掠投湘死  
七日後尸浮出顏色如生臂繫紅綬一幅詩云當  
年畫閣重如珍誰道離魂向水濱寄語雙親休  
絕入江猶是女兒身即世所傳小英絕命詩十首  
之一蓋當日傳聞異詞本無名姓即辰州舊志亦  
無所謂杜小英者其說僅見散浦雜識一時方志  
競為附會故紛歧錯出如之鑿鑿而小英乃真小  
英父母家世姻婭親申言之此而辰州新志乃并  
其人矣

吳承柴妻李王容 十五首

玉容字玉蓉新化人幼孤三歲母楊氏攜之養於  
外家性聰慧聞兄開泰讀書默記即能成誦舅氏  
異之教以經史悉解大義語其母曰是兒勿輕許  
人年二十五始適同縣吳承榮未三載承榮以試  
事勞瘁遭疾卒玉容痛甚欲以身殉念已有遺腹  
姑緩死以待已而生女不育乃歸依其母玉蓉至  
孝朝夕母側無稍違嘗私繡一帕曰吳門李氏謹  
藏之一日值夫忌辰白其母以所製朱履素韞哭  
奠夫墓歸其夕懸繡帕於牕從容賦絕命詩縊於  
榻前事在康熙中年鄉人哀之爲大書其事徵詩  
并刻其遺藁爲一卷余少時曾見之今佚矣絕命

詩有云死生遲早是一次妾豈偷生至今日末云  
昔日願頭今日飲大笑一聲尋夫去蓋距其夫死  
時已五年故詩中又有三年夫服繫兩載慰親意  
之語餘多錯落不可讀當日傳寫之誤也吳氏家  
傳又載王蓉死後降乩於湘鄉彭宅其詩云諧得  
笙簧數十月傷哉夫子遭離別梅城千古頌清操  
一點丹心凝白雪是夕爲九月初八又書云金風  
飄綠柳玉露燦黃花擬作登高賦明朝笑孟嘉事  
與陳岐陽大使錫周同大使死後降乩於長沙士  
人家自序生平出處甚悉其族有紹周者生時與  
之密就問之乩答如響多外人所不知者此事吾

涉江有集卷第一  
鄧前輩皆能言之亦一奇也又縣志李氏有兩傳  
事相類一作吳繼高繼高承柴之字也

送外之武昌應舉

秣馬將出門匆匆行色早莫辭金叵羅贈君登遠道丈夫  
志功名封侯萬里老況乎咫尺閒何足傷懷抱策推繁露  
醉賦奏長揚好郡守卽功曹蛟螭出泥濘明廷方亟才君  
行善自保停鞭衡麓雲倚棹洞庭草努力惜韶年寸陰以  
爲寶

秋夜

露下風清思悄然孤鐙自照淚如泉疏櫺統扇秋無賴淺  
水殘荷月可憐孤枕有魂羣夢裏寒衣無路到君邊隣家

少婦不知事偏向牆東理素絃

咏畫松 七歲作

獨標勁節倚高岑歷盡冰霜不受侵  
寄語畢宏休著筆最難描出歲寒心

哭外

伯也蕭然赴玉樓未亡人在爲誰留  
相期更長連枝樹化作鴛鴦宿上頭

生前俠骨已長埋幾度臨風喚不開  
君若有情憐薄命仙魂應向故園來  
挑燈和淚寫哀辭泉路遙遙那得知  
斑竹有痕俱是血令人千載仰湘妃

悼別詩十二首

錄九首

別牀

合歡牀在亦虛陳長簾灑然冷隻身死去卻尋同穴誓夜  
台不是獨眠人

別鐙

蘭燼低臨總帳清煩君五載照孤貞從今長夜無由曉不  
敢相攜到九京

別鏡

羅衣憔悴五經春一任妝台滿暗塵縱使菱花光射月不  
堪持照九京人

別鍼

憑君爲作嫁衣裳  
隻手纖纖曉夜忙  
泉下從今無處用  
漫穿紅綫繡鴛鴦

別花

西園春色綴蒼苔  
五載含愁帶淚開  
此日百嬌都破寂  
任教蜂蝶過牆來

別月

嬌居惟有月多情  
照得空閨淚眼明  
寄語蟬娟今去也  
無勞流影入帷清

別鶯

睨睨枝頭韻絕清  
簾櫳時聽曉鶯鳴  
驚眠無復寒窗女  
莫向花閒送好聲



別燕

自來自去繞朱簾  
玉翦依依畫閣前  
他日有心尋故主  
一灣草色綠芊芊

別世

自古爭稱令女賢  
輕塵樓草動人憐  
孤凰心已成灰久  
忍向粧臺整舊鈿

按玉蓉別詩十二首首翁姑次父母次兄弟終之以別世舊本漫漶今擇其明了者存九首

鄒代理妻陳氏一首

陳氏益陽人鄒代理室嫁一歲生子甫婉代理歿  
陳痛絕欲殉強起乳其子周歲從容賦詩自經以  
殉此事不見益陽志今從惲氏正始續集採入編

列李王荅之後從其類也

絕命詞

心頭已是灰眼底空流血不作未亡人與君同一穴

車夢餘一首

夢餘邵陽人與三太史之女適句容張受百年三十而寡詳其弟鼎寶所爲節孝記有詩數百首今僅存一

懷園夜詠

朧月上簾鉤明河半入樓草垂千露重螢共一星流蕉響風中雨梧陰夏夜秋還從林缺處倚檻睇牽牛

王蘭若一首

沙洲春集卷第一  
蘭若慈利人

出谷亭

仙凡咫尺鎖樓臺  
偶放孤亭出壑來  
松頂鶴飛常帶雨  
窟中龍吼恍聞雷  
石澗鍾乳當筵墜  
露挹瑤花挂壁開  
坐愛水天如鏡裏  
清風時至埽蒼苔

歐陽渢一首

灤江華人

過洞庭湖懷諸姊妹

洞庭秋水漲無垠  
一葉扁舟獨問津  
此去相離三百里  
不知後會幾千旬  
往來客櫂紛無定  
深淺家山看不真  
試問香閨諸姊妹  
可還記憶過湖人

劉世坤一首

世坤字同秀衡陽人

寄外

飄零兩載動相思  
記得離筵共對時  
含淚未曾傾別酒  
背人先已問歸期  
蘭閨有夢雲山阻  
繡榻無心鍼綫遲  
寄語茂陵遊冶客  
莫教重唱白頭詩

劉氏一首

劉氏攸縣人

寄外

徒愛名花氣不羣  
難將心事託行雲  
魂當悲後銷何極  
語次權前俗亦文  
薄命有誰知瘦影  
黃昏無計挽斜暉  
遙憐

歲歲湖山隔故寫湖山意問君

曾淨蓮一首

淨蓮新化人諸生趙德謹室

登城子山

萬山山上白雲端雨霽登臨作大觀舉首乍驚紅日近  
睥睨看翠峯攢飄然身寄煙霞遠渺爾神遊宇宙寬  
海島蓬瀛何處覓好居此地躡飛鸞

按新化學翁近時趙姓僅一人淨蓮所適或熙雍  
時人無可考已上自王蘭若以下五人從正始集  
採入皆無時代

時

氏三首

時氏零陵人康熙癸卯舉人本生字臣女同邑諸

生黃榜春室字臣爲零陵名宿蔣氏幼承庭訓卽  
好吟詠歸黃氏佐其夫教兩子鼎勲鼎猷皆有文  
譽有集散佚僅從長沙毛國翰青垣湖南女士詩  
鈔得數首

夜紡

紡績貧家事年來况味嘗人勞多古意夜靜有餘涼坐久  
蟲吟砌窗虛月滿廊自安鳩拙性母訓更難忘

春曉

深閨寂寂夜寒輕月落前山曙色迎柳綠新舒隄上綠桃  
花將放嶺頭晴天空小鳥衝煙遠樹暖微雲渡水明最愛  
濃香時到几院餘閒坐聽曉鶯

聞諸兄遠翠堂讀書

綠樹陰陰小徑通  
草堂遙寄白雲中  
三更人靜書聲遠  
恍憶鸞音下碧空

榮氏二首

榮氏長沙人康熙辛卯舉人銓衡臣女國子生柳  
昌湘室年未三十寡以遺經教其子遺集不傳僅  
得數篇於家乘中

秋興

冷落萬山老人閒  
秋復秋荷先經雨  
敗竹不畏風適孤雁  
天際亂鴉鳴樹頭  
空階頻徙倚斜日半庭閒

不識秋光好  
開門問小童  
荒庭下黃葉  
破壁咽寒蛩  
人倚

重欄倦心隨萬籟空白頭知我老歲月感怱怱

覃光瑤 十二首

光瑤字玉芳武陵人咫宸刺史志京女江夏崔州  
圖尚書孫某室有玉芳詩鈔六卷玉芳名家子夙  
嫺風雅甫笄兄光燁爲刊其詩集置匱具中迨歸  
江夏隨節制任遍浙閩風采愈振女士詩鈔稱其  
標格叩響颺發波流殆非濫美也

山中

隔水看雲山雲裏聞樵響暫作山中人境靜心獨往冉冉  
雙白鶴飛落青松上

昭君怨



此去玉關道望恩何日歸愁心對漢月顧影空嚙歛紅顏  
變黃土環佩無光輝乃知舊畫圖好醜未全非天子重和  
親妾身誠細微不惜妾身遠但傷君心違誰爲生羽翼高  
逐秋鴻飛

讀史

奮起除秦暴生民皆鼓舞約法入關時勢已分龍虎天心  
歸仁愛淘淘徒自苦太息重瞳子拔山徒爲虜

幽居用賈島韻

滾滾紅塵外閒閒綠樹邨月生花印榻風動竹敲門好鳥  
誇山色寒泉漱石根蕭然人境遠相對欲忘言

遊泰山普照寺

仄徑穿雲入山深寺不迷鐘聲縈碧嶂鳥語下晴溪古壁  
前朝畫新詩過客題松花開照處遠燦法王西

深閨夜月

一窗澹墨寫芙蓉萬里清光入夜鐘茗椀香鑪春寂寂銀  
屏珠箔水溶溶閒階露冷花魂怯碧樹陰沈鳥夢慵欲借  
丹梯歸碧落卻愁月姊妬塵容

畫鸚鵡

已無言語慧只有羽毛奇鎖日輕綃裏鷹鷂莫漫窺

從軍行

烽火照邊秋寒雲起戍樓征袍何日至羌笛使人愁

邊詞用唐人盧弼韻四首

夜來化蝶入鄒關水煖花香春未殘卻怪粧樓人不見旁  
人笑指望天山

龍堆戰苦草難肥殺氣騰騰鳥不飛長日沙頭閒牧馬白  
將塞水洗征衣

玉露凋殘木葉黃幾年肌骨飽風霜男兒不台沙場老誓  
殺單于歸故鄉

風吹金甲血斑斑雪滿關山逐虜還但使功成歸故里不  
求名字勒燕山

陳學鍾一首

學鍾祁陽人文肅公大受女

蕭湘寺

每到瀟湘寺瀟湘寺可憐禪門深閉月秋水靜沈天夏日  
榴花豔春明桃李妍今來景不惡紅葉滿山巔

陳仰巖一首

仰巖祁陽人知縣率祖女

案正始集率祖號唐崖山人隱居鶴鶴山莊仰

巖隨侍與妹發祥論詩評畫一門風雅發祥亦能詩兼工水墨畫

閒庭卽事

環碧樓高接翠微池塘新水鯽魚肥  
傳鏡院落松花午埽

卻蛛絲護蝶衣

陳發祥一首

發祥字瑞巖祁陽人仰巖妹

題水墨山水

出筆源於老米重重疊疊家山泊舟一帶茅屋明月隨水  
鸞環

秦恭人邦淑十首

邦淑埭鄉人雍正己酉舉人龍門知縣安鎬女同  
邑乾隆癸酉拔貢天津知府黃立隆室有雲驥山  
莊遺草恭人爲吾友虎癡學博本驥祖母虎癡一  
門風雅其繼室陳梅仙及其兄女婉璫甥女唐婉  
珠皆能詩均見是集蓋其家學淵源爲有自矣

隨宦十載追憶平昔甘苦備經悲歡異轍感遇言懷  
成七律十章

鏡裏華年一夢看興懷往事半艱難早歲離閨悲何特獨

倚霜闌淚不乾

自注九歲失恃

白馬灘喧秋

轉劇碧梧軒靜夜逾

寒

自注家莊臨白馬灘中爲丹宸室

繡餘無限思親

意愁對銀缸照影單

陟岵遙看萬里槎瓊林早歲託蒹葭

自注時父謁選北行遂託養於舅姑未

姻內則親供饌也學西陵事績麻顧復全依姑作母丁甯

先誠婦宜家蛾眉不鬪深閨月對挽還慚舊鹿車

趨庭女誠授緇帷早詠風人淑慎詩自謁廟中成禮後敢

忘閭內食貧時釵荆裙布期無忝壁樹瓊枝相有儀舉案

從茲盟白首雞鳴交警未知疲

笑靨欣欣泮沼開筆花吹豔到妝臺聲華早擅屠龍技詞

賦還推倚馬才芸閣香凝千卷笥繡帷春煖百花杯瑟琴

在御懷音好時見雙飛乳燕來

弱冠青錢選自公

自注外年十九以選貢宰桂平

天邊捧檄盼飛鴻文章

已許徐劉敵政事應爭卓魯雄封鮪假思燕塞北憑魚問

訊楚江東夢尋遊子牽衣日帆出瀟湘一葉風

自注外迎姑就養余

奉以

正值萊衣春色鮮護花頓羨溢河邊

自注姑沒於武邑署 曉鵲血漬

湘江水化鶴魂招薊樹煙鐘鼎椎牛徒祭墓哀麻策蹇趁

歸輓自傷薄命惟予最不及重泉奉二天

自注姑與母皆中年棄世

粵嶠燕臺兩地歸欣然重得侍庭幃

自注外扶姑榷鹽里時父任龍門亦以病

斂正慈筓領催垂白得向邱園見息機松菊徑荒棲鵲

關河驛報泣麻衣

自注中途得父訃音

墓門載酒悲風木悵望寒雲

辭上飛

旅服重經九月霜驪歌復唱別山莊

自注丁酉服闋隨外北上旗亭垂

柳當年憶官道黃花幾度香故國秋深歌陟岵寒江歲暮

泊征航

自注舅在皖江迂道省觀

孫枝連理含飴弄遙望邱原黯自傷

自注舅置雙生兒膝上曰減汝姑不及見也因泣下

大陸驂停必子琴開軒時聽泛清音訟庭羅雀談秋水冰

署焚香沁素心宦况偶閒兼課子

自注夫子題補鉅鹿地僻民淳幾於臥理俸

錢雖薄免售簪時時報到江南雁安不忘危守乃箴

自注江左嘗寄書柳外

花滿瀛州赤縣春

自注河南古謂瀛州

羽書絡繹屬通津

自注癸未春奉文調

繁民生國計資長策

自注足車塵寄此身不似鉅鹿安閒嬾

散頻年人易老往來千里夢難真故園未卜重歸日好曷



清操贊藎臣

魏氏一首

魏氏武陵人

偶題

細茗龍芽手自煎  
掬來活水瀹新泉  
爐熏香繞疏窗外  
簫角聲迴午燕前  
淨埽山堂題畫稿  
攜將海岳佐吟箋  
只宜雅澹尋真樂  
長日燒松看篆煙

峽山老人劉元瑞二首

元瑞湘潭人  
晚號峽山老人  
賓門太史元熙女弟  
同邑黃錫采室  
早寡以節孝聞  
詩不多見

題花閒女士卷

捲幔焚香若有思  
藐姑山畔秋容姿  
小欄花韻午陰靜  
一縷輕風拂繡絲

夜靜

夜靜人無語  
天寒鶴有聲  
如何同宿處  
猶作不平鳴

味飴老人朱瑞妍二首

瑞妍字靜如上元人  
邵陽車湘漁室秋舫秀才持  
謙之母五十後始爲詩  
自號味飴老人

偶成示持謙持謹兩兒

會得窮通理  
悠然閉草廬  
人憑工狡獪  
天已定乘除  
雪後梅無恙  
風前柳自如  
綃囊螢火在  
莫遣夜光虛

病起坐池上

病起誰教好景過  
鱗鱗新綠卷微波  
紅闌一角無人倚  
借與春風長薜蘿

覃樹英 十八首

樹英字素瓊武陵人  
咫宸刺史女孫永順都司陳  
廷選子某室嫁一載而寡  
著有素瓊齋集素瓊爲  
玉芳之姪風調亦似諸姑而  
寓興藻情多雋殺之  
響女士詩鈔所云茶蓼在心  
邊幅稍圍亦中育之所尙也

鳳灘憶家

百丈牽舟向銅柱  
鳳灘灘聲似銅鼓  
一縣之隔習俗殊  
邇女半學蠻巫舞  
水道紆曲連青苔  
落煙簾雨堪斷腸  
叱奴

我非壯男子永懷畏途神內傷家

溪上住門前舊

種冬青樹有夢還家不自知但逐灘聲下灘去

抵家

消瘦傷離別須臾隔死生無言先有淚乍見若爲情視膳  
懷魚筍分梨感弟兄關心明日路流淚上青瑩

飛霞峯下

故里知何處驚心下瀨船萬山西峽地一綫百蠻天徑絕  
猿能躍峯高雁不前那堪秋色裏相對更淒然

永順官署寄母家

城勢低如署山光四望通家遙千嶂外歲盡百蠻中孤雁  
朝唳雪哀猿晚嘯風心情自無限珍重寄詩筒

聞雁

雁門關下路蘆葉幾番肥露重防霜足霜清欲澣衣  
覓棲雖審視失侶有高飛最是哀吟切年年送汝歸

送家大人之江南因憶生長追隨之地感而有作

東下關河道路長大江波浪接沅湘沿隄綠草羅鸚鵡兩  
岸青山指鳳皇楚塞雲沈騰紫氣吳江楓冷暎斜陽而今  
髣髴曾行處卻憶金陵是故鄉

紅旗江上督飛艘天庾當年轉運勞  
卒定知饒白髮霜天猶未脫征袍  
初晴海霧金壇出盡日秋風鐵甕高  
忽憶追隨生長地不堪回首鬢飄蕭

荷齋賞梅

昨夜寒梢點綴勻  
珊瑚瘦骨更精神  
匣中賸有徐熙筆  
畫出盤陀水月身

永順憶家

東歸何日買扁舟  
白髮高堂易動愁  
明水陽山魂夢遠  
秋風秋雨古溪州

自永順寄示弟楷

龍山千里路迢迢  
死別生離憾未銷  
一陌紙錢勞汝去  
梨花寒食趙家橋

雲斷黃陵帝子洲  
寄將雙淚付東流  
自從鏡破青絲亂  
不信耽吟易白頭

舟過綠蘿峯

夕陽一片綠羅煙如此峯巒忽眼前人在南宮圖畫裏莫  
教認作米家船

雪晴

慘澹簾櫳日上遲琉璃鴛瓦欲平時不知昨夜家園裏開  
到梅花第幾枝

三尺牆高亦是城森森古木伴城生居人不識笙歌好惟  
聽軍門鼓吹聲

蠻方亦自有花臺衝雪寒梅一樣開兒女村前齊擺手春  
鉦紅處踏歌來

嚴頭赤腳走如飛新刺蠻花短布衣三五箇姑經午市竹  
籃在臂采茶歸

題秦良玉像

勃勃英風結束新本來力可淨煙塵當時將相知何意不  
使凌煙畫美人

署中見月

清如玉鏡大如盤纔到天心影漸寒料得重泉不同照可  
憐獨在異鄉看



沈湘耆舊集

卷第一百八十

大

沈湘耆舊集卷第一百八十終